



UKA 2017/35

12/10-2017

Nivi Olsen

Inatsisartut aalajangigassaatut siunnersuutigineqarpoq Naalakkersuisut peqquneqassasut UPA2018-imut Tunumi aalisarneq pillugu nassuiaat agguaatissagaat. Nassuiaatip imarissavaa Naalakkersuisut aalisarnikkut inerisaaniarlutik iliuusissaat – kiisalu innersuussutit, aalisarnerup inerisarnissaanut tunngasutigut siunnersuutaasut.

(Inatsisartunut ilaasortaq Laura Táunâjik, Siumut)

(Siullermeerneqarnera)

Demokraatiniik qujavugut siunnersuuteqartumut Laura Táunajik-mut.

Ilumoorpoq Naalakkersuisooqatigiit isumaqatingiissutaanni aalisarnermik siuarsaanissaq nunatta kangiani allaqqammat. Aamma ilumoorpoq qineqqusaartoqarnerani tamanna neriorsuutaajuaannarnikuvoq.

Tamatta nalunngilarput nunatta kantiani ajornartorsiutit imaannaanngittuusut, taamaattumik Laura Táunajik ilalerparput allammat oqaluinnarpallaaelutik.

Demokraatiniik suaarutinguaannarnikuuarput pitsaanerpaajuaannassasoq aalisartut pilersitsiumasut ataatsimut kattullutik pilersitsinissaq anguniassangaat. Taamaalillutik pisortanut utaqqilussinnarneq pinnginniassammat.

Aammalu kissaatinginarpoq Naalakkersuisooqatingiinnut suaarutingissallugu, piviusunngortissinnaanngisat neriorsuutingisarnissaat mianersuuteqqullugu siunissami, inuiaqatingiinnut neriorsuinerit imaqqanngittut piviusunngortsissinnaanngisallu ininnut unittoortitsillutillu utaqqiinnalersitsisarmata.

Apeqquernartuali aamma aajuna, sooruna imminut akilersinnaasimappat nunatta kangiani tunitsiviliornissaq, sooq taava nunatta pingisaa Royal Greenland qangali taamaaliorsimanngila?

Demokraatiniik upperiuannarparput inuit sumiiffinni najungaqtut nalunnginnerpaajuaannaraaq suut nunammi periarfissaanersut. Apeqqutaanginnarpoq piumassuseq, nunattalu kangia pisuusutunik ulikkaarpoq inuisa atorluarnerusinnaasaannik. Aningaasarsiorfissanik nassaarsiorluni periarfissanik nunarput tamaat ulikkaarpoq sinnassangaanermiinguna itersarneqaannartussaasugut.

Taamaakkattoq pissangangingatsigu una Naalakkersuisooqatigiit isumaqatingiissutaanni allaqqasoq piviusunngunngitsuulersoq qanoq suliarineqarniarnersoq ikiuulluta aalisarnermut ataatsimiitsitaliamut ingerlaqqinnissaa kissaatingaarput, imminut akilersinnaassusaa tunngavissaqarnersoq paaserusullugu.